

泰州志卷之二十五

人物篤行

宋陳護字元法六世同居百口無閒政和中詔旌其門
廳事夾欄正門闕閱烏頭二柱表以綽楔左右建臺

一丈三尺建炎中兵燹不存節婦向氏於紹興九年貸

金贖產陳有司丐修遺址州郡賞其義復榜建門閭舊志

茅信卿四世同居每旦家長坐堂上卑幼各以序立拱

手聽命分任其事畢則復命其有怠惰者輒鞭辱之卒

無怨言州郡上其事表曰四世孝義之門舊志

元顧仲庸個儻好義與保定張文友交契張為崦縣尹

泰州志

卷之二十五

篤行

一

秩滿僑居江陰一日暴卒仲庸在京聞之即走告當路

者曰張文友未病願致仕因代入狀中書遂獲以嘉定

知州致仕既領宣命又代文友之子告蔭乃得注晉陵

尉其家實不知也仲庸南歸致奠賻奉宣敕授其子人

始驚歎舊志

府志有俞思齊詳見事畧不復錄

明儲宏字仲文

府志作儲仲文

惇行孝弟讀書通大義嘗市鹽

遼陽載布數車值寇騎圍城雨雪浹饑凍道相屬宏

坐逆旅門外探布散給衆商止之曰商以求利若之何

並其本棄之宏曰此何時尚問利耶中歲家寢落間曝

於門拾遺金十數兩默置廁舍檐閒及晡有一男子攜婦哭來問之曰某夫婦解戍某地費不給祇一子賣而得金今晨過此失去將死道路矣詢其封識竝金幾何語悉符出歸之且察其有飢色予之粥遣之其人曰吾無以報德逢人語君使君聞於人人而已後宏以壽終曾孫巵官至吏部侍郎自有傳

舊志參
名山藏

陳佐字子輔號西圃教諭祿

見仕
績

子志行醇篤兩舉鄉

飲賓壽百歲撫按具聞特賜冠帶建有百歲坊第四子鳶字理卿號秋江以輸粟佐軍餉賜爵本州千戶遇凶歲以米粥賑饑民置義地瘞道殣不可勝計性濶達有

泰州志

卷之二十五

篤行

二

無賴子被酒詈於門子弟奴僕不能堪鳶不爲意第命童子擊鼓以亂之鄉人沈里袖金一囊來曰余生平辛苦儲有三百金今老矣子且幼思非公無可託者無令外人知也因受置櫝中數年沈歿攜金還之封識宛然鳶叔祖父通字添泰撫兄子相成進士年九十有五鳶次子字達泉萬厯閒官廣西南寧府通判路經吉水修宗祠輯家譜並以敦行稱

舊志參
家乘

劉昆字谷臣

府志作
谷行

少時母暱之私以金悉紆曲給諸

兄之乏者亦不傷母意嘗拾遺金數百待遺者至還之凡有贖鍰未納羈獄者捐緡脫之尊經閣圯助葺之

冬賑糜施棺槨千計里中某官侍御與某相國有連勢橫甚垂涎昆所業市廛一區遣奴詣昆欲得之其二子請勿與昆持券畀奴竟不償值後某官家業波蕩而昆以爲善昌其後云

舊志

馬士權讓官于弟寓京師教授博極羣書善談論與學士先生游劉元博徐有貞輩疑必赴質有貞尤厚之天順元年石亨等引有貞爲南城之舉不久權勢相拉疑有貞文臣不時見上恐爲所間遂構其事有貞旣降廣東參政猶慮其復起必欲殺之因造奏誹毀朝政多危語假給事中李秉彝名上之李時已丁艱去曹石以貌

泰州志

卷之二十五

篤行

三

類一人持奏入接本小豎視其牘甚長言大人說何事有許多文字其人不語豎觀懸牌吏科給事中也奏入召秉彝則亡之矣逮捕甚急校尉妄持一人入示小豎豎曰非也昨肥而髯今瘠無鬢乃復大搜常熟張廷瑞以寫作遊都下捕者視其貌惟肖且吳語也取以入加掠亡狀後逮彝至不承竟以拷訊死亨等因言此徐有貞怨望使所密泰州布衣馬士權及某官某吏共爲之而滅其跡耳遣捕有貞于途收士權等及徐家屬下錦衣衛獄掌衛都指揮門達陳諸酷刑於庭拷掠瀕死數四馬尤毒虐馬曰今欲我三人何所承行刑官曰徐有

貞欲作逆與汝三人同謀先爲此以惑朝廷士權專建計某某執筆作狀楊某書謄之士權大呼曰徐有貞欲使今皇帝爲堯舜之君今百姓爲堯舜之民如此而已不知其他刑官不能折獄竟不成乃命取誥券出示三法刑部侍郎劉廣衡等劾奏有貞詐撰制文竊弄國柄自以爲治水希蹤神禹敢以定策冒貪天功大不敬無人臣禮宜戮市曹

案舊志云士權終無所言乃摘武功伯誥券續禹神功語出有貞自撰士

權大呼曰有貞忠臣豈有自撰誥券露其逆謀之理耶門達不能折所錄小異會承天門災乃

宥之編置雲南金齒爲民有貞出獄感士權許以女嫁

其子灑泣而別天順四年有貞自金齒歸蘇權自泰州

泰州志

卷之二十五

篤行

四

來謁欲成婚約有貞頗有難色士權曰貧儒不能當侯

家女也有貞遂從其言而以微物贈之士權畧無怏怏

意士權貌甚寢陋長不踰五尺云

寓國朝名士類苑引

宮貴字大升號質庵其祖智達靜海人明初舉孝廉判

眞定府事歷判揚州署篆來泰遂家焉正德戊辰歲歉

貴入粟千五百石授散秩丙子郡大饑道殣相望貴購

地瘞埋之孫永建自有傳又正統七年歲歉捐粟旌爲

義民者六人雷信許禮劉懸陸敬游淮盧源源之孫盧

澄於嘉靖間出粟賑濟巡按黃扁其門

舊志參官族譜

顧夢騏字德卿貢生御史廷對子聘知府王陳策女女

病瘖騏完娶如禮偕老無閒言有司扁之騏由廣文至江西定南縣令操守清約不事刻覈人俱稱其廉惠云

志 舊

顧楷字仲表隆慶四年以賑粟給冠帶子四教四科亦

以孝友樂善稱

志 舊

沈道輝工醫施藥濟人性孝友讓產於兄弟有司旌異

之

志 舊

王虹字紀芳安豐場人良之父也性好施樂善不倦臺

使請於朝歲給粟帛九十三而終

志 舊

王玉宏治閒八世同爨

府志本明
史孝義傳

泰州志

卷之二十五

篤行

五

周鎬字子京遺產累千金悉以讓昆弟官至湖廣榮府

審理致仕歸閉戶讀書人罕得見子孫克世其家

志 舊

陳應旂號文郊鳶之孫性慷慨重然諾喜施予貧乏多

待以舉火鄉里事難決者善爲剖析嚴寒有糜粥續絮

之施晚年授光祿署丞年九十有六

志 舊

王之垣字得師廩生良之孫也娶陳氏病雙瞽欲爲置

妾之垣不可陳早歿已有子遂不復娶有司請于朝歲

給米帛

志 舊

朱承芳字懷萱其先姑蘇人明初流寓泰州遂家焉承

芳輕財好施鄉鄰賴以舉火者數十家官廣東市舶吏

目子宗周官廣東理問以廉能稱宗周年九十有一

志 舊

王應騏字鏡如貢生讓宅居兄弟又以已所置良田與之友人有託以愛妾者同居數年未嘗一窺其面某遇難以數百金寄藏厚有贈遺騏與所寄金封置一所事後悉還之年七十其弟應麟號真如以諸生隱居通地理醫術爲人端謹年八十二應騏子礪品自有傳

志 舊

黃軫字希烈居姜堰鎮歲饑輸粟有司獎之長子呈枯性孝友善事後母置義田樂施助四子呈理修譜建祠于祠內設家塾延師課族子弟呈理子鑄舉于鄉

志 舊

田狩龍字鍾宇號遯庵居秦潼鎮置義田義倉設家塾

泰州志

卷之二十五

篤行

六

子姓多所造就年八十著有遯庵詩集及良知說等篇

子三顯吉成進士官嶧縣令曾孫廣 自有傳

志 舊

張廷霖號見東諸生工文章屢試不售其兄以事誣誤有司欲加之刑廷霖匍匐請代遂得釋生徒百計有貧不能具修脯者進而教之資館穀焉啟禎時與儲瑛等修州志年七十五著有南軒竹畦等集孫曾俱領鄉薦

志 舊

丁士毅字堅素性友愛撫兄子如己子歲施衣施棺拯

孤絕有司舉鄉飲賓

志 舊

陸九棘居三塘里性孝友撫二弟 之婚娶以所置

給之處鄉黨多所周卹一夕有穿窬穴墻入贈之金勸以改行終匿其姓名以子舜貴封如其官

志 舊

張兆麒字趾徵事祖母杜母仇盡孝養生平多陰德聞人枉抑必解之以爲快子琴成進士

志 舊

吳之諒字元亮監生其先自新安遷泰州同居五世百口無閒言子家驥樂善好施值兵亂縱掠有過其門者

輒曰此善人家也相戒勿犯子崇先官中書之諒弟之讓之讚俱有善士稱

志 舊

徐爾貞字介石由貢生授文華殿中書加禮部儀制司主事崇禎時有奏免漕糧三分及海口扼險二疏士民

泰州志

卷之二十五

篤行

七

德之精醫著有醫匯書行世

志 舊

周命新號明寰諸生居安豐場俗好訐訟命新志趣端方凡行有不正者必勸導之弟命時相友愛亦能讀書

好善云

志 舊

潘昌類字龍濤貢生其先自蘇州遷泰世有善行昌類重然諾尚節義生平未嘗見疾言遽色遠方人曾有以數千金密寄者十數年後其人歿訪其子還之歲凶出粟賑饑埋道殣子孫俱列鬻序

志 舊

吳廷彥號際泰諸生講學數十年踐履純篤崇禎庚辰大旱出麥糲賑粥兩舉鄉飲賓年八十有一國朝順

治年祀鄉賢

州案

舊志不載今據州案增入又案舊志鄉賢祠所錄名氏作吳際泰今從州案

張某忠節公伯鯨之父貧甚與甥貿易學宮前拾遺金千兩甥欲剖分張不可俟三日無人問者甥又欲分張仍不可越六日有江西木客哭而來叩得實還之甥愠甚與張析業是夜夢神告曰此事已奏上帝賜貴子大門閭逾年生忠節公

府志

案府志入江都舊志既以伯鯨為泰州人今見忠節故并其父錄之

泰州志

卷之二十五

篤行

八

喬登泰崇禎十四年亢旱出大小麥賑饑有司獎之又

金萬業顧教二人皆捐施賑濟者

舊志參府志

程悌字進之號小邨住海安鎮性篤厚屢捐粟賑饑有

賊入悌室悌覺之贈以金勸令為善遣之去又嘗於道

中拾遺金坐待失金者至如數以還

采訪錄據天啓十場志

趙禮字信夫住丁溪場幼聘同里孟氏女因病瞽辭婚

父以語禮禮不可既娶生子女十一人子玉後為水軍

萬戶鄉里咸稱趙長者云

案舊志藝文有王元吉趙長者詩并序據以增八詩

不錄

李大光號煥寰監生住海安鎮鎮隣於海故多盜大光

捐腴田二百畝設法緝禁

案府志附見國朝李克猷傳後採訪錄云大光萬曆時

人今從之

舊志有陳王模宋漢麟儲瑛張應瑞蕭允第戈世爵

六人無事實今刪

國朝朱淑熹字艾人順治辛卯舉人揀選知縣其先自姑

蘇遷泰世有善行淑熹端方孝友事孀嫂如母里中貧

乏不能給者厚卹之歲荒出穀數千石助賑年八十終

子光岱等俱列仕籍

舊志

朱志熹字望鹿號德亭貢生積學力行凡濂洛關閩之

泰州志

卷之二十五

篤行

九

書無不研究康熙庚戌河堤潰決田禾盡沒丙辰尤甚

己未復旱蝗饑民載道志熹捐貲糴穀為里中倡設局

賑卹全活甚眾又建育嬰堂於安家橋置義冢於孔家

莊修復大通橋重建覺正寺始終樂善不倦祀鄉賢

舊志

參續志稿

陳王猷字爾吉鳶之曾孫也性好施戚友稱貸無吝色

舉鄉飲賓年九十有三弟王烈字賡明讀書九里溝嘗

具棺掩浮屍焉

舊志參陳氏家乘

孫雲鵬字上扶武舉人家近濟川橋時橋久圯壞行人

苦之雲鵬首議捐修輦石鳩工親董其役後有宮自禮

張仁定修葺州

雲

宮偉銓字

必拂拭焚

取聚 沈之於

繆欽字珍所

州代

為常百姓苦

崇禎十一年欽

害

歲歉請蠲賑疏 部

為

力言於

部具如所言覆奏允行泰

與豁免而高實諸

邑所代者亦得援此例次第蠲除竝遣官分賑皆欽之

泰州志

卷之二十五

篤行

十

力也後以孫肇祺曾孫沅貴贈始其官

舊志案府志附孝友末

張世爵字從修號荆 副貢生少穎悟博覽工為

年絕意場屋凡所教 知名士性耿介其同歲韓

文懿菼屢書通意 捐米賑粥全活甚

眾倡修學宮除三十 德 符驤 有

傳 舊志

王孫 宇季超 友篤交 其友崔之四官雲

南歿於 臨其 護其幼孤不墮仇人

被 其

為營救踰年

猶輸馬草為胥

吏所虐驃爲愬諸官盡革其弊嘗於土中得古石鼎

玩不置臨歿時命其子晉原以奉文廟至今存焉

志 舊

易東字田授副貢生其父維時於明季薦博學鴻詞不就東恬裕有父風能以名節自厲順治初以優行舉同時諸生繆肇敏字虎公敦孝友端品誼學使者舉優行有司扁表之

志 舊

仲國能字振華號健夫先賢仲子六十二世孫其先從宋高宗南渡遂家於泰焉世業農至國能始讀書尙節義有徽人鬻木於泰素與國能善聞其鄉被兵倉皇歸持貲若干金屬曰我閱人多矣惟君足信密寄君所秋

泰州志

卷之二十五

篤行

十一

杪當復來後不至無何有同歸者來問之則死於道矣乃持金往廉得其子還之封識宛然其家欲以半酬笑曰分其半何如據其全乎吾不忍欺死友也後子孫克以文章世其家

志 舊

沈之恂號退庵諸生性眈學經書手鈔盈帙連不得志於有司乃專意課子又撫再從兄弟之子皆使成立鄉里推重之有不平事輒就焉子二龍翔領鄉薦遴成進士同時吳之雋字吉人持身清謹母歿過哀訓子弟有

法以諸生終

志 舊

徐瑞璽字輯章諸生姊早寡無子養之終身嘗過真州

于旅舍牀下獲金一橐有人倉皇跡至詢得其實卽還之遇棄妻者每力勸多完人伉儷焉

志 舊

徐六璽字紫章諸生事繼母以孝聞有孀姑貧而無子迎養四十歲殯葬從厚捐貲修育嬰堂躬董其役里人

稱之

志 舊

朱兆乾字健庵諸生慷慨喜施親族中婚喪不給者悉

周之修學宮葺胡安定祠以及賑荒歲育遺嬰凡有義

舉無不樂助焉

志 舊

陳夢兆字隆隱鴻臚寺序班住海安鎮性寬和化家人以禮當明季兵燹後遺骸暴露夢兆親行田野隨地瘞

泰州志

卷之二十五

篤行

十一

埋之修葺學宮歲饑助賑有司舉鄉飲賓

志 舊

徐日明字南麓侍養父母晨昏不少懈昆弟不事生業屢分貲給之課子姪列庠序者凡二十有七人其生平

焚責券還遺金助葬埋賑糜粥事不勝述云

志 舊

仲伯篋字斗聯號坦齋國能次子幼孤事母呂五十年

如一日他事憂忿見母輒怡然改容性端凝少宿邨舍

有鄰婦潛奔寢所厲聲叱之明夕徒寢生平接物至誠

見紈袴子則避之晚年嗜邵子詩文自顏其齋曰師堯

子三鼎龍領鄉薦

府 舊 志 參

余維璿字玉衡監生其先歛人流寓安豐場璿篤孝友

所手置產分居時惟弟所擇又請疏運鹽河竈河賑五
場及爲育嬰堂久遠計皆足稱焉

志 舊

吳應裕字涵卿年十三刲臂治母病又善事繼母父亡
畜兩幼弟所置千金產盡以讓弟渡江見七尸漂泊買
棺葬之有揚州友人許某負鹽課千金亡去妻子繫獄
裕代爲完逋因得釋其後子孫以功名起家

舊志案府志附孝友

末

周鼎字定九諸生當王孫驃除馬蠹時羣惡恃有黨援
勢甚猖獗驃所約稍稍散去能不畏彊禦與驃始終其
事者惟鼎一人驃臨終以赤藤杖爲別曰我兩人扶持

泰州志

卷之二十五

篤行

十三

桑梓如此杖矣其生平善畫梅云

志 舊

王相吉字爲憲監生有故人歿多所逋負相吉往撫棺
痛哭聚券焚之其子泣謝相吉曰我自安我心也何以

謝爲

志 舊

童希聖字仰之康熙二十三年水災徵賦不給恭逢
仁廟南巡希聖赴江寧於十一月一日在雨花臺伏地上疏侍
衛鞭之

詔止勿鞭取疏親閱

命行在部傳諭泰州百姓

皇上已經親知道桃源宿遷山陽高寶興泰七邑水災因苦自

有區處爾等回去希聖隨復入都繪圖以進得奉
恩旨將災糧盡作版荒地至二十九年方報涸開徵前後共

免銀米五年希聖冒死陳奏鄉人賴之

舊志

陳家振字超宗監生康熙丙子水荒出粟助賑里有貧
乏及婚葬不克舉者厚卹之又朱朝覲字寧國遇凶歲

亦出貲周濟焉

舊志

陳芄字繼郇監生居黃單莊世母周寡事之如母外大
父戴浩如暮年無依迎養三十年斂葬皆從厚下河罹
水患盡散儲蓄村中多待以舉火者嘗在天長道中買
女爲婢女別母哀甚芄問故泣曰父繫獄甘賣身以贖

泰州志

卷之二十五

篤行

十四

耳芄惻然歸女不取其直夜過樊汊盜至見芄端坐詢
姓氏曰此長者不可害也

舊志

陳綏祉字斯來監生幼穎異博覽羣籍屢試弗售事親
以孝聞歲饑助賑以及焚券施藥里人稱焉年六十有

八

陳氏
家乘

周篤慶字心友諸生工醫施藥濟人有罹禍者至傾家
相助曾以治河策謁靳文襄皆見施行子之松成進士

舊志

俞允瑄字宣人姿性純粹著有明德篇致知論臨歿訓
其子曰讀聖賢書講理學功夫不可作章句儒也子維

植以文行爲鄉人推重云

志 舊

林元鼎字鉉吉待人以誠好周濟賑粥施糶逾七十猶

好善不倦子蕃領鄉薦

志 舊

吳銓字公衡感庶母王守節事之如母兩弟分析後時以已產益之倡建育嬰堂荒年罄所蓄以周里黨焚逋券千數百金總督于獎以扁額子二湘濤湘字岳生能體父志其師貧老告父迎養焉父命回原籍埽墓兼收麥時值亢旱湘以數百石散之親族父嘉之年二十二死濤具孝友傳湘子邦柱字石臣諸生幼孤事母孝其姊適卞氏早亡遺一子一女家中落母隱憂之柱因迎

泰州志

卷之二十五

篤行

十五

育於家并立分書給甥以家產母大慰中年喪妻不再娶購冢地葬原籍人客死者嘗買一婢詢其先人爲本衛所官立歸之不取其直僕人朱李曾刲股救親及柱病又刲股人謂恩義所感云邦柱纂有關異彙鈔

案 舊 志 府

志 人 孝 友

沈自明字開之值大水海溢濱海之民露立不能炊人多飢餓自明每晨買胡餅數千枚煮茶數石親往散給凡兩月餘賴以存活者甚衆總督于扁獎之子士望諸

生克繼父志

志 舊

陳晉吉字錫蕃諸生嫡母病刲股愈之鄰人有女鬻某

氏爲婢數載音息不通其母病日夜悲傷思一見女吉
慨然赴某氏告以情出貲贖之以歸其母

志 舊

周尙文字聖從幼失父母其從父母撫之及長廬親墓
三年事從父母養葬盡力中表有夫婦偕亡者遺子女
各一貧無所歸尙文撫養甚至爲畢婚嫁曉醫術多以
藥餌施貧乏焉

志 舊

戴露號拙叟父歿有庶母弟尙幼撫之成立遺產盡與
之又撫從弟三人俱父死母嫁者

志 舊

劉九臯字鶴亭明末州人避亂欲徙者衆九臯卜於神
謂寇不至衆賴以安鄰人吳某將有遠行再拜寄以貲

泰州志

卷之二十五

篤行

十六

臯爲晝夜防護及歸取還緘題如故康熙時於鎮江旅
榻拾橐金畱宿以待遺者還之始行好吟詠著有焚餘
草子孫竝列庠序

志 舊

唐繼靖字聲遠諸生幼喪父事母以孝聞修文廟復學
田靖之力居多焉

志 舊

朱銘球字函一諸生刲股救母時揚屬考棚移駐眞州
銘球倡議請復駐泰鳩貲重修試院其後諸生劉亮議
建試院瓦棚能善其事云

志 舊

宮自禮字殿臣以千餘金修造城北迎春橋關帝廟城
隍廟傾圮復完葺之先後有楊錦創建魁星閣監生紀

友義修州治街道萬士正捐修州城外大街錢允萬修
州治迎春橋王志寬修濟川橋寶帶橋其子天兆等修
大街監生張仁定修州城內外通衢又修城隍廟前廳
五楹志舊

韓穉字公魏事母盡孝教弟敏力學成名養外弟之不
能自食者二十餘年餘貲輒分濟貧乏生平忠厚樸誠
鄉里稱長者續志稿

吳宗光字亦裕撫兄弟子如已子姻戚有孤幼俱撫之
成立續志稿

徐宗毅字建章諸生性純篤每教人以文行竝勵遊其

泰州志

卷之二十五

篤行

十七

門者無不束修自愛一時重其師範志舊

周露字季友諸生樸誠不與人校每代人償逋以是家
屢空又有還遺金事云志舊

張顯字思石忠厚好施康熙十一年饑發粟千石以賑
貧乏志舊

舊志有朱賡南王家望陳志球徐授璽曹振彬田士
龍曹寅孝許以誠嚴士良江可容范常王家楚徐驄
唐日宣十四人均無事實今刪

俞應龍字奉溪敦孝友樂施予獎掖孤寒成科名者甚
衆以子鈺鐸貴封中憲大夫祀鄉賢續志稿

陳采字碧兼號白初貢生嘗以河防數十事上河帥泰有不毛田千八百餘頃額銀千四百餘兩米千七百石業戶每歲無一粒之入而輸納如常稅采具呈本州通詳各上司卒得免又置贍族田數十畝捐貲修考棚子端官刑部員外郎

府志

陳遇劾字茂公族兄廉父子相繼亡遺孤孫時夏生甫逾月族人窺其家財將不利時夏遇劾維持保護與其舅氏陸無忌懇諸官患方息撫時夏成名

府志

朱璐字式玉諸生五歲而孤長篤行誼有戚某罹罪遣戍璐貨產以資行子雯居母喪哀毀過禮竭家貲爲其

泰州志

卷之二十五

篤行

十八

兄償逋鄰有子不類密以金屬雯鄰死無知者雯私爲

權子母臨終召鄰子反復勸諭盡舉以歸之

府志

吳儒度字復翁貢生品學端粹與兄儒清

見仕門續

講心性

士望歸之有因事謝以千金者郤弗受工書學董文敏

兼精天文推步法年八十有二而終

續志稿

劉之澇字竹其康熙辛卯舉人父歿以母老不應禮部

試者十年建普濟堂置下棋莊田爲族人冢地戊子客

江寧同鄉薛某寄篋金猝遇火持薛金出已物灰燼不

顧也又貸陳晉文金晉文客死訪其孫償之晚年講心

性之學子育焄育渠成進士著有左傳意祀鄉賢

續志稿

王晉原字雪樵雍正癸卯解元學田舊多侵占晉原

俞驄乘劉景淵沈子迪唐聲遠等力復之八年舉孝廉

方正不就

續志稿

姜日祥字祥甫康熙時州城內外南北街道遇積雨泥

淖難行日祥倡捐斲石起彩衣街訖小關口凡十年而

工告成孫維祺領鄉薦

續志稿

李廷芳字芳臣貢生篤孝友族中孤苦者教養之每冬

施粥施棺雍正十年建普濟堂二十四間兼董其事凡

病者延醫選藥躬自點檢存活甚衆巡撫高扁旌之

續志

稿

泰州志

卷之二十五

篤行

十九

陸經陸綸住海安鎮兄弟以孝聞建宗祠設家塾捐草

田七十五畝贍親族之貧乏者又捐一百八十畝爲

田五十畝助普濟育嬰兩堂舉孝廉方正不就雍正十

一年祀孝友

續志稿

陳位望字膏露貢生捐銀二千金及崔母鎮田一百七

畝助普濟育嬰兩堂每逢鄉試年分租入爲卷燭之費

申詳藩司卷存學署

續志稿

潘志原字允平諸生康熙庚戌丙辰大水溺者具棺葬

之生者周以衣食己未旱集饑民濬河優給薪米復置

義冢於城北朱家莊年八十有四曾元孫俱領鄉薦

稿

徐謨字倬雲諸生雍正十年捐貲倡建普濟育嬰兩堂

規畫盡善里人劉之澇紀其事

續志稿

高翊字敬思號素軒貢生事母盡孝謁選得黟縣令已

赴官念母春秋高忽心動慨然曰古人不以三公易一

日吾何為者遂乞養歸生平篤行誼遇族黨中婚嫁喪

葬事厚為周卹乾隆癸酉乙巳捐賑壬子捐修學宮年

八十有四

續志稿

黃先疇字敘九生事母孝撫孤姪入庠將遷葬其先

人形家謂塋地不利於次房疇曰為利吾家吾一身何

泰州志

卷之二十五

篤行

二十

恤焉阮葬三子相繼歿疇處之泰然

府志

王聯字鷺亭廩生與甘泉沈鳴謙為性命交乾隆庚子

沈鄉試江寧病喉欲歸聯送之沈歿於路輿人欲去聯

涕泣相畱殯之丹徒某寺中訃其家他日或有以此事

問者聯曰我無之也嘗買一僮僮每泣詢之曰我安慶

人思父母耳聯為求得其親族歸之

府志

李克猷字靖颺住雙河村村南三里地瀕河潑養無人

迹舊為盜藪自知州周鼎鑑建屋四十間募民居之行

人恃以無恐名其地為周公鋪久之屋廢險僻如初乾

隆五十年歲饑往來益警克猷偕其姪琪慨然變田產

建

餘閒造橋梁

路招姻族子弟讀書習射

既厚其族姓而行旅遂不為畏 至今鄉人置宅

貿 儼然成市焉

府志

朱謙服號白村諸生住曰 鎮性 愛為其兄償逋數

千金少與侍朝同筆研給以膏火朝後官京師有書招

謝不往著 笥山房集

續志稿

王三視 堯 南宮縣縣丞值大疫獄囚多死三祝

藥餌 治 多全活者 義縣事化 民不復犯

邑有老疾關孩捐俸設畱養 民無失 遇歉歲奉

檄查災規稽戶口罔有遺漏旋以母憂歸 出乾

泰州志

卷之二十五

篤行

二十一

隆三十三年歲 三

鎮飢民

見而 善 矣 給之捐十金贍族修南北

街又建姜堰二百 孫 為積善

之報

續志稿

儲昕字曉亭諸生少孤事母孝 人所餘 中

不給 姑 足

百 營

韓繼勳

遺

王則賣女以葬

非

也以不義之金殯吾 孝也

二年始歿

府志

陳以智監生住港口鎮乾隆二十一年大 死者無算

以智購義冢地並施櫓櫓知州勒石獎 育璉嘉慶

丙寅丁卯水災捐銀助賑

續志稿

王茂公 海安鎮事父以孝聞母有餘貲卽施

衣棺 貧 歿以 收 得私

用悉以爲 費若 年 賑嘉慶十

年水災 所 也藩

司康基田 以 王勸有茂

公賑饑 以

泰州志

卷之二十五

篤行

二十一

養孤寡老疾有

氏支譜

程師旦字天樞

乾隆四十二年助修 竝謂

章曰考棚坐具 同學新之章於

嘉慶時卒成父志焉

續志稿

陳文炯字秉德監生乾隆 修 宮 董其役捐修

殿前石臺嘉慶己未復捐修戟門五間東西齋十二間

續志稿

王宗佩字西亭監生少孤事母孝歲荒雨雪饑凍不能

出戶 餽 徧給之助 掩遺骸倡修淨因西來

等寺年八十五歲

稿 續志

程旭字宗嶽監生住海安鎮捐腴田三百二十三畝建明道書院於海安西門內凡屋二十一間未葺事而死其妻徐氏成之乾隆乙卯火子熙瑞重葺姪禧復捐田五十畝爲優獎資

稿 續志

譚獻琛字貢荆監生嘉慶初邑屢遭火倡建水倉水龍市河淤塞協方挑濬連年水災倡捐煮賑並施藥施棺以濟貧乏

稿 續志

高獻可字宸箴貢生官柳州府通判剔漕弊除戶差省民役上司重之歸里後好義樂施嘉慶甲子水災捐賑

泰州志

卷之二十五

篤行

二十三

八百金年七十五

稿 續志

陳績字聞墀號玉峰住海安鎮由貢生授寧國訓導海安東門外有青龍牖俗名徐家壩爲串場河來源年久就傾績慨然請於當事捐貲重修事垂成爲隣縣所阻不果行人咸惜之著有天香書屋文集

稿 續志

王朝武字袞章監生山東大饑有易子女而食者朝武買之歸及長配爲夫婦族弟歿養其妻終身夏秋租入多分濟貧族除夕懷金出金盡始歸其他修橋梁施藥

餌多善舉云

稿 續志

李祖遐字林表號霽堂住海安鎮少孤事孀母以孝

鎮之新河久淤倡捐疏濬并設恤嫠所歲給嫠婦數百人歲荒助賑施棺置救火具商賈苦徵落地稅請之官勒石永禁修甑橋及城隍廟學使者扁獎之續志稿
韓大鵬住海安鎮嘉慶乙丑水災大鵬赴城倡捐煮賑復於本鎮施米及棺木修葺鳳山書院與六里港石橋丙寅水涸同李祖遐等濬治海安下壩新舊官河以通水道臨歿命其子免各佃逋租百八十餘石總督鐵知府伊先後扁獎之續志稿
高榮軾字岱瞻候選通判加職運同鳳翥見仕績子性孝友以母老不忍遠離遂不謁選嘉慶乙丑丙寅水災捐

泰州志

卷之二十五

篤行

二十四

銀米助賑歷修學宮文昌閣胡公書院凡道路橋梁有損壞者輒爲修治置水龍遠近遇火雖隆冬深夜必躬督人往救每臘月知鄉中多貧乏者周卹尤厚平時送藥餌施棺櫓閱數十年不衰督藩先後獎以扁額清節堂善舉榮軾捐銀千兩已上道光六年題請建坊旌表

州案參
續志稿

徐進階號星平住海安鎮建宋三賢祠及都天樓易西楹橋以石行人便之倡恤嫠會存活寡婦於親族尤加

任卹焉

采訪
錄

夏震字春舟幼孤事孀母孝乾隆六十年重修明倫堂

及浴沂亭震董其事經畫盡善嘉慶甲戌旱災倡捐助
家不豐於財見親族中貧之者必周助之好爲詩與
邑中能詩者結芸香社晚年尤嗜學輯膾炙集十五卷
丹徒王豫江蘇詩徵中載其詩年七十終著有寄園詩

二卷

采訪
錄

黃壯字修暇武舉人性慷慨喜周人惡嘉慶乙丑丙寅
水災倡捐助賑州牧之訪

錢中懷字素亭諸生有文譽嘉慶乙丑丙寅水災倡捐
賑濟凡善舉多所贊成里人稱焉采訪
錄

葛楣字于門醇諱篤孝友有外戚兄

訟以

泰州志

卷之二十五

篤行

二十五

重金賂楣 袒楣却金責以大義遂感悟式好如初友
人某密寄三百金及友亡還其子無德色晚年隱居西
馮莊嗜學不倦著有貽孫文 孫肇基家東臺遂

占籍焉

采訪
錄

王瑞槐字嘉五縣丞三祝

友髻年見父失足

力扶掖之遂得跛疾長而

施藥施 諸善

舉樂行不倦嘉慶乙丑

之每歲除夕散錢贍

風雪

焉以子世履階 贈朝

劉文煥監生捐貲助普濟育

董其事

獎以扁額子嘉穀諸生慷慨趨義有宿逋千丑百餘金
臨歿命其子鑿檢各券出手焚之 鑿曰淑身之法安
貧讀書而已嘉穀妻吳氏亦好施每歲積鍼黹所蓄於
除夕遣人給貧之者 錄 采訪

繆之澍字雨亭監生性孝友處族黨以恩待友朋以義
晚年呼幼子于菊出千金券焚之 錄 采訪

朱沂幼聘儲氏女未婚女亡沂終身不娶兄早世撫其
孤入庠 錄 采訪

姜鳳階字桐軒諸生工詩古文 平勇於赴義修學
宮浚市河歉歲賑饑皆董其 年七十九而

泰州志

卷之二十五

篤行

二十六

終 錄 采訪

葛宗 字逸庵諸生施藥餌 不數十年又設義學二
所子孫多列庠序 錄 采訪

黃承吉字得讓 大 莊事母孝處昆季相友愛乾隆
乙巳歲大饑首捐助賑復於其鄉設粥廠雖嚴寒必躬
赴散給里人感之 錄 采訪

錢蓉號香 乾隆己亥舉人本房師爲睢寧令袁秉義
後袁 泰州蓉未嘗干 師門一與公事人以是稱之

錄 采訪

陳鏞字德淵乾隆元年施 濟堂屋十二間次年

胡公書院齋房十六間水旱之年設粥廠藥局活者甚衆年七十有二

採訪錄

高垂藻號絢堂候選縣丞父病衣不解帶者數月事長姊如母兄弟閒友愛更篤有友人某將白金三千兩見垂藻涕泣言曰吾年已衰邁妻弱子幼君所知也此金畱實君所他日稍稍存問使妻子勿凍餒足矣垂藻不獲已畱之友既歿俟其子長成乃召而還之金知交通負貧不能償者悉焚其券年六十二

採訪錄

陳怡字如堂號晴樓諸生篤友愛兄歿撫其二子一女成立葺先祠修家乘宗族交稱之工書能文壽七十

採訪

泰州志

卷之二十五

篤行

二十七

錄

張日旺字斗山監生析居時讓良產於昆季二十喪偶終身不再娶訓子成立有妹守節貧不能上達爲之請旌州治濟川橋爲南北衝要嘉慶初橋圯日旺倡修任其事捐貲千金橋成州牧欲勒石志美力辭而罷董理育嬰堂全活者衆尤好施予多所周卹嘉慶乙丑水災助賑藩司扁獎之

採訪錄

曹忠殷字良儒監生住姜堰鎮其父日元誠樸好施爲鄉里所稱忠殷承父志中年家業裕以周濟爲念凡施衣施粥施棺贍親朋卹孤寡置義冢設藥局以及修與

梁建廟宇諸舉行之數十年不少懈嘉慶乙丑水

民集永豐橋勢洶洶見忠殷至歡呼曰曹善人來吾輩

可無憂矣遂相率去於是忠殷首捐五百金助賑民賴

以安丙寅水災亦如之藩司旌以扁額年八十有一而

終錄 采訪

丁遐秩住姜堰鎮嘉慶乙丑水災捐賑州牧 獎之

錄 采訪

黃瑤芝住姜堰鎮家貧業醫值歲歉於道劬得十千文

錢據一紙乃隣邑某鬻子身價也明日持往歸之其人

泣謝而去錄 采訪

泰州志 卷之二十五 篤行

二十八

邵世鎧仇銷盧梁俱監生住曲塘鎮世鎧捐建梁莊寺

橋銷施錢家樓義冢地嘉慶十年捐資助賑梁捐修橋

梁寺觀錄 采訪

黃龍文住姜堰鎮家不中貲性好施予值風雪之野見

有夫婦僵臥橋下無完襦急歸謀諸妻丁氏丁惻然曰

食易耳顧安所得衣既而曰予釵可質也於是質釵易

衣贈之晚年家稍裕每冬必施衣施粥以濟貧乏焉家傳

朱甘澍字霖望諸生醇慤敦行誼延師家塾凡族 中

子弟皆使就學貧乏有稱貸者每焚其券里人德之

開極字啓咸住朱翟莊倡修心齋祠 青墩